

儀禮經傳內編

儀禮經傳內編卷八

姜兆錫註疏參義

侯國澤射禮

此諸侯將于射官擇士以祭而先令于澤習之也禮闕記見王國澤射

侯國射宮大射禮

此諸侯既令公卿大夫士習射于澤而因于射宮試而擇之以助祭也自王侯學射

以下今亦僅存此篇。按古者諸侯之大射必先行燕禮二禮畧同而增以射亦猶鄉飲鄉射二禮同而增以射也今將未射諸儀與燕禮參射儀與鄉射參而校其同異于左

大射之儀君有命戒射百官有事于射者射人戒諸公卿大

夫射司士戒士射與贊者

注曰君有命者將有祀事當射宰告于君君乃命之也宰謂冢宰治官之卿射

人司士皆司馬政官之屬周禮大宰職掌百官之誓戒作大事則戒于百官者王命射人掌國之諸公卿大夫之位以射法治射儀司士掌國中之士治凡其戒命故各戒之也燕禮但小臣戒與者而大射則射人及司士殊戒公卿大夫與士者射禮辨貴賤也贊佐也謂士佐執事不射者疏曰將祭而大射見射義宰官尊總戒之射人司士則分別重戒之也所云戒者皆謂祭前旬有一日也

祭統云先期旬有一日宮宰宿戒乃散齋七日致齋  
三日又太宰職云前期十日帥執事而十日遂戒 前射三日宰

夫戒宰及司馬射人宿視滌注曰宰夫冢宰治官之屬掌百官之

若王大射則合諸侯之六耦滌謂溉器埽除射官也疏曰上文射

人戒是前射旬有一日此宰夫申戒是前三日宿是前一日宗伯

宿視滌濯是也凡射合其六耦若王大射合諸侯之六耦者王將

祭而射使諸侯為耦餘射則但卿大夫以下為耦也云溉器者射

器也燕禮不視滌器明滌器是射器愚按宰夫是宰之屬而得戒

宰及司馬者戒之言告上之告下下之告上所告不同而告同

也旬告三日又告宿又視也其視鄉射亦甚嚴矣

### 右命戒

司馬命量人量侯道與所設乏以狸步大侯九十參七十干五十

設乏各去其侯西十北十注曰量人司馬之屬掌量市朝道巷與

去堂之遠近客謂之乏以為獲者禦矢也狸之伺物每舉足止視

遠近其發必中是以量侯道者象之鄉射記云侯道五十考王

記云弓之下制六尺則狸步六尺也熊侯謂之大侯與天子熊侯同參讀為慘雜也豹鵠而麋飾下天子大夫也于讀為犴犴鵠而犴飾也疏曰侯射布也三侯皆以布為之而以皮為鵠侯旁亦以皮飾之也即周禮所謂容革為之以其可以容身故謂之容以矢于此之圖不能去故謂之乏也狸步先鄭謂一舉足為步于今為半步纒三尺而後鄭引鄉射考工為証者以明步為六尺而非三尺也熊侯而謂之大者按周禮司裘王大射則其虎侯熊侯豹侯諸侯則其熊侯豹侯鄉大夫則其麋侯被畿內諸侯二侯以熊侯為首此畿外諸侯得用天子三侯非畿內可比故于熊侯加大以別之又以諸侯不得用虎侯故但以熊侯犴侯犴侯為三侯則亦不嫌于通上矣云豹鵠而麋飾下天子大夫也者司裘云卿大夫則其麋侯此則以豹皮為鵠以麋飾其側不用純麋是下天子大夫也

也 命量人中車張三侯大侯之崇見鵠于參參見鵠于于于不及地武不繫左下綱設乏西十北十凡乏用革

注曰中車宗伯禮官之屬亦使張侯

者以爲君鵠爲人臣者以爲臣鵠爲人父者以爲父鵠爲人子者以爲子鵠鵠以正己志也考工記云梓人爲侯廣與崇方三分其廣而鵠居一焉則大侯之鵠方六尺參侯之鵠方四尺六寸三分

寸之二。射侯之鵠方三尺三寸三分寸之一也。及至也。武迹也。冲人之足長尺二寸。以射侯下綱去地尺二寸計之。則上綱去地丈九尺。而穆侯上綱去地一丈五寸三分寸之一。大侯上綱去地二丈二尺五寸三分寸之一也。凡侯北面左謂西也。前射三日張侯設之。欲使有事者豫志之也。疏曰。上命以侯道之遠近。此命以張侯之高下也。鄉射云。之參侯道。居侯黨之一。西五步。注云。去侯北十丈。西三丈。此云。西十北十。則西與北皆六丈。不得為三分去侯黨之一者。以其三侯入堂深故也。西亦六丈者。以三侯恐矢揚傷人。與一侯亦異也。侯之廣狹取度于侯道云。大侯之鵠方六尺者。大侯侯道九十寸。弓取二寸為侯中。凡丈八尺三分其侯而鵠居一。故知方六尺也。云穆侯之鵠方四尺六寸三分寸之二者。穆侯侯道七十寸。弓取二寸為侯中。凡丈四尺三分其侯而鵠居一。故知方四尺六寸三分寸之二也。云射侯之鵠方三尺二寸三分寸之一者。射侯侯道五十寸。弓取二寸為侯中。凡一丈三分其侯而鵠居一。故知方三尺二寸三分寸之一也。射侯侯中一丈。并上躬下躬。上舌下舌各二尺。凡丈八尺。而張法射侯下綱不及地尺二寸。則上綱去地丈九尺二寸也。穆侯中丈四尺。併上下躬上下舌各八尺。凡二丈二尺。其鵠居侯中三分之一。則鵠下有四尺六寸三分寸之二。道下躬下舌四尺為八尺六寸三分寸之二。而張法穆侯鵠之下。詳與射侯之上。綱齊。所謂見鵠于射。則其餘鵠之下。詳

八尺六寸三分寸之二為射侯所掩矣自射侯上綱計之本去地  
丈九尺二寸除八尺六寸三分寸之二在掩是穆侯下綱去地一  
丈五寸三分寸之一通上綱計之則去地三丈二尺五寸三分寸  
之一也大侯侯中丈八尺併上下躬上下舌各八尺凡二丈六尺  
其鵠居侯中三分之一則鵠下有六尺通下躬下舌四尺為一丈  
而張法大侯鵠之下畔與穆侯之上綱齊所謂見鵠于穆則其餘  
鵠之下畔一丈為穆侯所掩矣自穆侯上綱計之本去地三丈二  
尺五寸三分寸之一除一丈在掩是大侯下綱去地二丈二尺五  
寸三分寸之一通上綱計之則去地四丈八尺五寸三分寸之一也

〔記〕周禮射人以射灋治射儀王以六耦射三侯三獲三容樂以

騶虞九節五正諸侯以四耦射二侯二獲二容樂以貍首七節

三正孤卿大夫以三耦射一侯一獲一容樂以采蘋五節二正

士以三耦射射侯一獲一容樂以采芣五節二正注曰射法謂射之禮治射

儀謂肆之也鄭司農云三侯虎熊豹也二侯熊  
豹也一侯麋也周禮司裘王大射所共是也梓人張皮侯而

設鵠則春以功

舊謂侯來獻功于王而與行大射之禮也詳見梓人

右張侯

樂人宿縣于阼階東笙磬西面其南笙鐘其南鐃皆南陳建鼓在

阼階西南鼓應鼗在其東南鼓

注曰笙猶生也東為陽中萬物以生是以東方鐘磬謂之笙也笙鐘

笙磬皆編懸下頌鐘頌磬如之周禮凡縣鐘磬半為堵全為肆蓋有鐘有磬為全也鐃如鐘而大奏樂以鼓鐃為節建猶樹也以木貫而樹之也小鼓曰鼗應鼗謂應別鼗也先擊朔鼗應鼗應之故名也鼓在阼階西小鼓在其東便其先擊小後擊大也南鼓之鼓皆謂所伐之面也鼓在西不東面而南面者縣南為君也疏曰陽氣起于子盛于午故東方為陽中也磬與鐘同編磬師職兼教擊編鐘是也周禮小胥職掌樂縣之位天子宮縣諸侯軒縣大夫判縣士特縣又云凡縣鐘磬半為堵全為肆天子宮縣者四面皆縣鐘磬鼓鐃諸侯軒縣者闕南面天子之卿大夫判縣者東西各有鐘磬天子之士特懸者但東有鐘磬而已王侯面皆有鐘磬鐃鼓若卿大夫士則皆無鐃半之者謂諸侯之卿大夫士半天子之卿大夫士也天子之卿大夫判縣東西各有鐘磬是全之為肆諸侯

之卿大夫判縣半天子之卿大夫取一相鐘磬分爲兩相西縣鐘  
東縣磬是半之爲堵天子之士特縣東有鐘有磬是亦全之爲肆  
諸侯之士特縣半天子之士但縣磬或于階間或于東方是亦半  
之爲堵也云奏樂以鼓鑄爲節者周禮鑄師掌金奏之鼓注云主  
擊晉鼓以奏其鐘鑄也以此言之則先擊鼓後擊鐘鑄皆與樂爲  
節也明堂位殷協鼓周縣鼓注云撥謂之柱其其中而上出也縣  
者縣之筮籥也周縣鼓今言建鼓蓋撥法主西階之西頌磬東面  
于射畧于樂故用先代鼓若烈用酒之類也

其南鐘其南鑄皆南陳一建鼓在其南東鼓朔聲在其北一建鼓

在西階之東南面注口成功曰頌西爲陰中萬物所成是以西方

其何臣備三面內一而無鐘磬鑄有鼓而巳爲諸侯乃皆三面軒  
縣也別始也奏樂先擊西鼓而東應之者樂爲賓作也鐘不言頌  
縣不言東鼓省文也疏曰西方成功故稱頌國君合有東西北三  
面爲禮射位又與揖臣射故關北面無鐘磬鑄而有一建鼓而已  
若君與諸侯饗燕之類則依諸侯軒縣三面皆有鼓與鐘磬鑄在  
鐘也賓位在西樂主爲樂賓故先擊朔鼓而應聲應之也鑄在  
建鼓之間發倚于頌磬西絃注曰籥竹也謂笙簫之屬倚于堂也

編磬組也設鼓于磬西而倚于絃也疏曰禹貢篠簜既敷注云簞竹也下管新宮注云管謂吹簞也小師職注云管如篳而小併兩而吹之爾雅云大笙謂之巢小者謂之和簞大者二十三管長尺四寸小者十六管長尺二寸大笙十九簧小者十三簧笙簞管皆用竹故云笙簞之屬在兩建鼓間故云倚于堂也按商頌那詩云猗與那與置我鼓鼓是鼓如鼓而小也賦賸職云掌凡樂事播鼗擊頌磬笙磬樂言擊鼓言播為搖之也鼓所以節樂賓至樂作故搖之以奏樂也絃若冕而朱絃之絃編縣用絃故知絃為編磬繩鐘磬皆面向東故知鼓在磬西而倚于絃也。按鄉射張侯禮畧無宿縣燕禮亦但云樂人縣而大射則禮皆備者君禮與大夫士與君射禮又與其燕禮異也。

### 右設樂

厥明司宮尊于東楹之西兩方壺膳尊兩甒在南有饗羶用錫若絲綴諸箭蓋羶加勺又反之皆玄尊酒在北尊士旅食于西罇之

南北面兩罇

此下多同燕禮今錄其互見者于左。注曰膳尊猶燕禮公尊也豐以承尊字從豆豐聲形似豆太

而卑矣。纂覆尊中錫細布，絺細葛也。箭篠也。爲纂卷辟，綴十篠而橫之也。又反之爲覆，勺也。皆玄尊者，二者皆有玄酒之尊，重本也。今文絺或作絺，疏曰：按燕義諸侯射，先行燕禮，此陳設器物與燕禮同。但文有詳畧，其豐兩頭大而中央小，形似豆，故字從豆。爲形以豐爲聲，但豆口徑尺，柄亦長尺，制小而高，此承尊之豐，口足徑差寬，中央亦差大而高，才尺比豆差短，故云似豆大而卑也。前設縣，縣，縣南更有一建鼓，今設尊實，在鼓南門西北面，與燕禮同。遂繼，繼，繼而云，縣南者，樂以縣爲主，故也。愚按：蓋謂覆之也。綴，蓋加。又尊于大侯之左，東北兩壺。

獻酒，燕禮無此條。注曰：此爲參侯、狂侯之僕者及隸僕人中車。爲沙酒，濁，特厚沙而沖之，故名。郊牲，牲汁獻，澆于醖酒，是也。疏曰：知爲沙酒，以下陳之者，以其皆有功，又下文以此尊獻之也。知沙酒濁者，以五齊從下向上，差之益醖，沈清于泛醖，鬱鬯又在五齊之上，故知也。云厚沙沖之也者，解名沙酒之意，引郊特牲者，卽五齊中取醖酒以沖鬱鬯者，例之也。醖酒卽益齊，沈清也。凡沙鬱鬯必和以香，齋以手摩沙出其香，汁然後沖之，使清。獻，隸僕以下卑賤之人，而乃以鬱鬯者，因祭侯用鬱鬯，故也。知此不爲大侯之服，不氏設者，以後乃言服不氏之尊，東面南上，故云侯時而陳也。

設洗于阼階東南罍水在東篚在洗西南陳設膳篚在其北西面

又設洗于獲者之尊西北水在洗北篚在南東陳西面以上見燕禮南陳猶南肆

也又設洗以下燕禮無。此為參侯于侯獲者之屬設之若服不氏之洗則亦侯時而設于其南也小臣設公席于

阼階上西鄉司宮設賓席于戶西南面有加席卿席賓東東上小

卿賓西東上大夫繼而東上若有東面者則北上席工于西階之

東東上諸公阼階西北面東上按燕禮但云司宮筵賓于戶西無加席也小臣設公席于阼階上有

加席及旅酬設卿席耳其餘庶並無文。注曰唯賓及公席布之也其餘獨于位後耳小卿席于賓西射禮辨貴賤也諸公謂大國

孤疏曰知餘席樹于位後者下有孤卿大夫席文故也孤尊而後言之者有無不常定也按王制大國三卿皆命于天子次國三卿

二卿命于天子一卿命于其君小國三卿一卿命于天子二卿命

于其君射禮辨貴賤者對燕禮卿皆在別無小卿位彼主于燕不辨貴賤官饌百官各饌其所當共之物也燕禮無

故也

右陳饌

奠定射人告具于公公升即位于席西鄉燕禮同小臣師納諸公

卿大夫諸公卿大夫皆入門右北面東上士西方東面北上大史

在于侯之東北北面東上士旅食者在士南北面東上小臣師從

者在東堂下南面西上燕禮云小臣師納公祝史立于門東士旅

注曰大史在侯之東北士旅食者在士之南為有侯入庭深也

小臣師小臣正之佐也正相君出入君之大命疏曰燕禮士旅食

者立于門西東上此不繼門而在士之南者為有侯故入庭深也

小臣正長也故以師為佐小臣正如天子之大僕故引大僕職解

也公降立于阼階之東南南鄉小臣師詔揖諸公卿大夫諸公卿

大夫西面北上揖大夫大夫皆少進燕禮云爾卿卿西面北上爾

大夫皆少進注曰詔

告也變辭言揖亦以其入庭深也上言大夫誤衍耳疏曰燕禮卿

大夫近門去君遠言適者揖之使移近也此入庭深但揖之而已

不須移近之也。大夫與公卿面有異，故下別言大夫少進，明上誤衍大夫。大夫四宰也。愚按周禮卿為上大夫，其下有中大夫、下大夫，而侯國無中大夫。卿為上大夫，餘皆為下大夫。則上言卿大夫，蓋謂上大夫卿而下，但言大夫，乃謂下大夫與。

右公卿大夫即位

大射正擯擯者請賓公曰命某為賓。燕禮云射人請賓擯者命賓賓少進

禮辭反命又命之賓再拜稽首受命擯者反命賓出立于門外北

面。燕禮云稽首許諾公揖卿大夫升就席。同燕禮小臣自阼階下北面請執

筯者與羞膳者。同燕禮。注曰請士可使執君兩鮒之筯及羞脯。隨暨庶羞于君者也。疏曰知請士者據燕禮記而

也。知乃命執筯者執筯者升自西階立于尊南北面東上。同燕禮膳宰

請羞于諸公卿者。同燕禮

右請賓及執事

擯者納賓賓及庭公降一等揖賓賓辟。辟禮同燕禮無房辟二字

盛也疏曰此言賓辟燕禮不言文畧也。應按大射禮明貴公升卽

賤故賓辟不敢當盛與燕禮異疏云燕禮文畧也似非。

席奏肆夏。肆夏時邁也其詩曰時邁其邦昊天其子之又曰我求

懿德肆于時夏此延守祭告之樂歌奏此延賓著王德以勸賢也

周禮云賓出入奏肆夏疏曰周禮鐘師以鐘鼓奏九夏杜子春引

呂叔玉以為肆夏時邁也注云九夏皆詩篇樂崩亦從而亡又引

呂叔玉于下者以無正文故兩解之也引周禮者按大司樂王出

入命奏于夏凡出入命奏肆夏大裘賓客如祭祀故鄭約此為文

也應按燕禮賓與公皆不奏肆夏記云如以樂納賓則賓及庭奏

肆夏賓拜酒主人答拜而樂闕公拜受爵而奏肆夏主人升受爵

而樂闕是賓與公又皆奏肆夏也而大射則賓不奏但君奏之耳

然則大射君臣之辨抑嚴矣。賓升自西階主人從之賓右北面。亦宰夫為獻主

至再拜賓答再拜。同燕禮

右納賓

主人降洗洗南西北面賓降階西東面主人辭降賓對同燕禮主人

北面盥坐取觚洗賓少進辭洗主人坐奠觚于館與對同燕禮賓反

位主人卒洗賓揖升見燕禮主人升賓拜洗主人賓右奠觚各拜同燕禮

各盥賓降主人辭降賓對同燕禮卒盥賓揖升同燕禮主人升坐取

觚執纂者舉纂主人酌膳執纂者蓋纂酌者加勺又反之筵前獻

賓賓西階上拜受爵于筵前反位主人賓右拜送爵燕禮云執纂者反纂而無

酌者加勺又反之句宰胥薦脯醢賓升筵庶子設折俎燕禮薦設皆膳宰也庶子司馬之屬掌正六牲之體不使膳宰薦且設者為射不主

于飲酒變于燕也愚按周禮庶子掌正六牲之體及使國子之倅

秋合諸射故賓坐左執觚右祭脯醢見燕禮奠爵于薦右與取肺坐

絕祭齊之同燕禮與加于俎坐執手執爵遂祭酒與席末坐啐酒同燕禮

禮。降席坐奠爵拜告旨執爵與主人答拜。同燕禮。樂闋。納賓時公升。奏肆夏至是。

樂闋也。燕禮不奏肆夏。此無樂闋二字。注曰闋止也。樂止者尊。賓之禮盛于上也。疏曰燕禮記云若以樂納賓則賓及庭奏肆夏。

賓拜酒主人答拜而樂闋。郊特牲云賓入大門而奏肆夏卒爵而樂闋。此與不同者。注謂燕朝聘之君若臣故卒爵而後樂闋。燕已

之臣故啐酒而已。樂闋也。賓及庭而奏肆夏。至升堂飲酒樂乃止。是尊禮盛于堂上也。

賓西階上北面坐卒

爵與坐奠爵拜執爵與主人答拜。見燕禮。

### 右主人獻賓

賓以虛爵降。主人降。賓洗南西北面坐奠觚。少進。辭降。主人西階

西東向。少進對。燕禮無西北面西。賓坐取觚奠于篚下。盥洗。主人

辭洗。賓坐奠觚于篚。與對。同燕禮。卒洗及階。揖升。主人升。拜洗如賓

禮。同燕禮。賓降。盥。主人降。賓辭降。同燕禮。卒盥。揖升。酌膳執筯如初。以

酢主人于西階上主人北面拜受爵賓主人之左拜送爵同燕禮主

人坐祭不啐酒不拜酒遂卒爵興坐奠爵拜執爵興賓答拜燕禮有不

告旨二字主人不崇酒以虛爵降奠于篚同燕禮賓降立于西階西

東面擯者以命升賓賓升立于西序東面擯者燕禮作射人

右賓酢主人

主人盥洗象觚升酌膳東北面獻于公公拜受爵乃奏肆夏主人

降自西階阼階下北面拜送爵升酌膳燕禮云升賓之亦無乃秦肆夏句。注曰言乃奏者其節異

于獻賓也疏曰賓及庭卽宰胥薦脯醢由左房庶子設折俎升自

西階公祭如賓禮庶子授肺燕禮無由左房三字又云士薦脯醢膳宰設折俎膳宰贊授。注曰

由自也左房東房也人君有左右房折俎鄉射記云主人袒脊脅臂是也凡獻公異于獻賓者亦君尊變于賓也疏曰人君有左

右房故云左房大夫士東房而已故不言左以無右所對故也云  
君尊變于賓者庶于投肺不拜酒立卒餽皆與賓異也愚按薦設  
皆異于燕禮

不拜酒立卒餽坐奠爵拜執爵與主人答拜見樂闋升受

爵降奠于餼燕禮公受爵不奏樂無此樂闋二字餘義見前

右主人獻公  
更爵洗升酌散以降酢于阼階下北面坐奠爵再拜稽首公答拜

見燕禮。酌方壺酒曰酌散燕禮云酌膳酒以降而此云酌散者燕禮賓主之情大射君臣之義也此以下燕禮多答再拜而大射但答拜義亦如之  
主人坐祭遠卒餽與坐奠爵再拜稽首公答拜見燕禮

人奠爵于餼同燕禮

右公酢主人

主人盥洗升腹觶于賓酌散西階上坐奠爵拜賓西階上北面答

拜燕禮云賓主人坐祭遂飲賓辭卒爵興坐奠爵拜執爵興賓答

拜降筵北面主人降洗賓降主人辭降賓辭洗同燕卒洗賓揖升不拜

洗見燕主人酌獻賓西階上拜受爵于筵前反位主人拜送爵同燕

賓升席坐祭酒遂奠于薦東同燕主人降復位賓降筵西東南

尚立同燕

### 右主人酬賓

小臣自阼階下請媵爵者公命長小臣作下大夫二人媵爵同燕

媵爵者阼階下皆北面再拜稽首公答拜見燕媵爵者立于洗南

西而北上序進盥洗角觶升自西階序進酌散交于楹北降適阼

階下皆奠觶再拜稽首執觶興公答拜見燕媵爵者皆坐祭遂卒

解與坐奠解再拜稽首執解與公答再拜。凡燕禮答再拜大射皆但答拜獨此亦答再拜

者蓋重祭也。 勝爵者執解待于洗南小臣請致者。同燕禮。 若命皆致則序

進奠解于篚阼階下皆北面再拜稽首公答拜。見燕禮。 勝爵者洗象

解升實之序進坐奠于薦南北上降適阼階下皆再拜稽首送解

公答拜。見燕禮。 勝爵者皆退反位。燕禮無此句。注曰反門右北面位也。疏曰按大夫初與卿在門右

北面得揖少進中庭北面今當反庭中而立而云門右北面位者雖得揖少進仍是門右北面之位少進而已故還以門右北面言之。

### 右將旅勝爵于公

公坐取大夫所勝解與以酬賓賓降西階下再拜稽首小臣正辭

賓升成拜公坐奠解答拜。燕禮云公命小臣辭此但云執解與公

卒觶賓下拜小臣正辭賓升再拜稽首公坐奠觶答拜見燕執觶

興賓進受虛觶降奠于篚易觶興洗公有命則不易不洗見燕反

升酌膳下拜小臣正辭賓升再拜稽首公答拜見燕賓告于擯者

請旅諸臣擯者告于公公許旅序也賓欲以次序勸諸臣酒也賓

以旅大夫于西階上擯者作大夫長升受旅見燕賓大夫之右坐

奠觶拜執觶興大夫答拜同燕賓坐祭立卒觶不拜見燕若膳解

也則降更解洗升寶散大夫拜受賓拜送遂就席燕禮無遂大夫

辯受酬如受賓酬之禮不祭酒見燕卒受者以虛觶降奠于篚復

位燕禮無復位二字。疏曰言復位者亦

本記凡公所辭皆栗階凡栗階不過二等注曰栗燒也謂越等

急趨君命也其始升

猶聚足連步越二等左右足各一發而升堂疏曰凡堂及階尊者高而多卑者卑而少按禮器天子之堂九尺諸侯七尺大夫五尺士三尺士冠禮降三等受爵弁注云降三等下至地也則士三等階一尺為一階大夫五尺為五等階諸侯七尺為七等階天子九尺為九等階今云凡栗階則天子九等已下至士三等皆有栗階之儀云不過二等者據上二等而言其始升不栗階故注云其始升猶聚足連步也曲禮云陟級聚足連步以上則天子已下皆留上等為栗階左右足各一發而升堂而其下無問多少皆連步明矣。按本記原在燕禮或曰記當在此大射嚴君臣之禮處其趨君命較急而以凡栗階不過二等明之也今

右公為賓舉旅

主人洗觚升實散獻卿于西階上司宮兼卷重席設于賓左東坐

見燕禮卿升拜受觚主人拜送觚卿辭重席司宮徹之同燕禮乃薦脯

醢燕禮無庶子設折俎未聞蓋用券脅臠折肺也卿有俎者射禮

二

尊也疏曰按鄉射記賓俎脊脊肩肺主人俎脊脊臂肺又獲者之俎亦脊肺膈彼注云膈若膊膈殼之折以大夫之餘體也以此言之則此賓俎亦用脊脊肩肺君俎亦用脊脊臂肺而卿俎蓋用脊脊膈折肺也凡牲前體有肩臂膈後體有膊膈殼尊卑以次用之故雖宜用膈若有公則公用膈卿宜用膊與云卿有俎卿坐左執為射禮尊者對燕禮不辨尊卑公卿等皆無俎而言也

爵右祭脯醢奠爵于薦右興取肺坐絕祭不齊肺興加于俎坐執手取爵遂祭酒執爵興降席西階上北面坐卒爵興坐奠爵拜執

爵興主人答拜受爵卿降復位燕禮無奠爵于薦右至興加于俎坐執手取爵六句祭酒下有不齊

酒三字。祭肺不齊猶祭酒不齊皆降于賓也不言不啐酒蓋省文辯獻卿主人以虛爵降奠于筐

同燕禮擯者升卿卿皆升就席見燕禮若有諸公則先卿獻之如獻卿

之禮席于阼階西北面東上無加席同燕禮

右主人獻卿

說見燕禮

小臣又請媵爵者。大夫媵爵如初。同燕禮請致者若命長致則媵

爵者奠觶于篚。一人待于洗南。燕禮未有長致二字長致者。阼階下再拜稽

首。公答拜。燕禮首無長字洗象觶升實之。坐奠于薦南。降與立于洗南者

二人皆再拜稽首送觶。公答拜。見燕禮

### 右再媵爵于公

公又行一爵。若賓若長。唯公所賜以旅于西階上如初。賜燕禮作酬。注曰

于是言賜射禮明尊卑也。疏曰。明尊卑者。按燕禮言惟公所酬。此言惟公所賜。是以次之也。大夫卒受者以虛

解降奠于篚。同燕禮

### 右公為鄉舉旅。說見燕禮

主人洗觶升獻。大夫于西階上。大夫升拜受觶。主人拜送觶。見燕禮

大夫坐祭立卒饗不拜既饗主人受爵大夫降復位同燕禮序為主

人于洗北西面脯醢無齊同燕禮辯獻大夫遂薦之繼賓以西東上

若有東面者則北上燕禮無若有東面者則北上卒擯者升大夫

大夫皆升就席見燕禮

右主人獻大夫胥獻主人說見燕禮

乃席工于西階上少東燕禮此下直云樂正先升北而立其西

西階北而東上至授應乃降後乃云此則下文納工後乃云小樂正從之升自

小樂正立于西階東又有先後耳小臣納工工六人四瑟僕人

正徒相大師僕人師相少師僕人士相上工相者皆左何瑟後首

內弦擗越右手相後者徒相入注曰六人者大師少師各二人瑟

徒空手也僕人正僕人之長師其佐士其吏也天子賦瞭相工諸

侯兼官是以僕人掌之大師少師工之長周禮所謂九國之藝勝

正焉者是也。于是別工及相者射禮明貴賤也。相者即謂相上工者也。後首者主于射畧于樂也。徒相謂相大師少師者也。上言官之尊卑此言位之先後亦所以明貴賤也。疏曰禮大樂衆對燕禮工四人而言士在僕人之下故知僕人之吏府史之類也。首僕人正相大師次僕人師少師又次僕人上工是官之尊卑右相上工在前徒相大師少師在後是位之先後也。入時如此出時亦然愚按注謂後首者主于射畧于樂也蓋以首可鼓而在後是主射而畧樂也。然考鄉飲與大射皆可鼓者在後而鄉射與燕禮皆可鼓者在前列主于射而畧于樂之說如何可通蓋與賢選士之禮重故鄉飲大射主于將敬而樂輕。選士燕禮故鄉射燕禮主于鳴。小樂正從之升自西階北面東上。注曰從者從大師豫而樂重耳。小樂正從之升自西階北面東上也。後升者變于燕也。小樂正于天子樂師也。疏曰燕禮樂正先升。而此小樂正後升彼主于樂此則畧于樂也。坐授瑟乃降小樂正立于西階東。注曰降謂相者降立于西階之北也。疏曰鄉飲酒之北也。愚按鄉射燕禮工在西階少東樂正皆升立于其西此及鄉飲禮工在西階少東小樂正皆立于西階東亦猶可鼓者在後之意。乃歌鹿鳴三終。燕禮云工歌鹿鳴四牡皇皇者華。注曰歌也。鹿鳴三終而不歌四牡皇皇者華主于講道。

德畧于敘勞苦與諸機務也

主人洗升實爵獻工工不興左瑟一人拜受爵主

人西階上拜送爵

見燕禮舊謂洗升為過為群工誤辯見燕禮

薦脯醢使人相祭卒爵

不拜主人受虛爵

見燕禮

眾工不拜受爵坐祭遂卒爵辯有脯醢不

祭主人受爵降奠于篚

見燕禮

復位大師及少師上工皆降立于鼓

北群工陪于後

燕禮無此節。注曰鼓北西縣之北也言鼓北者與鼓齊面也群工陪于後三人為列也于是時小

樂正亦降立于其南北面矣僕人立于工側坐則在後疏曰知鼓北是西縣之北者以下文大師少師始遷向東明此降在西縣之北也云鼓北與鼓齊面者按樂縣鼓在鍾南今不言鍾北遂據鼓而言者鼓形面東工亦面東故遂取鼓面也大師後有工二人少師後有工二人故云三人為列也云是時少師正亦降立于其南北面者約遷樂時工西面樂正北面也僕人立于工側坐則在後者亦約遷樂時面位知之

右樂賓升歌饗獻工

乃管新宮三終

此章視燕禮多異說見後。注曰管新宮謂吹篴

管不獻畧下樂也其位蓋立于東縣之中疏曰云笙從工而入者

也管謂之笙者按燕禮記升歌鹿鳴笙歌三終下管新宮笙入三

成則吹管者亦吹笙笙管相將也云立于東縣之中者亦約燕禮

文也按燕禮記乃言使臣有王事之勞者其始入奏肆夏以納賓

則此時當歌鹿鳴管新宮而笙入三成耳今疏所引似謂凡燕禮

皆如此卒管大師及少師上工皆東坵之東南西面北上坐

蓋未然

將北立于堂也于是時大樂正還北而立于其南疏曰工人待卒

管乃立于堂前不即還者為管笙所作不以無事亂有事故也不

言去堂遠近常如鄉射還工阼階

之東南堂前三筭西面北上也

石樂賓下管

按燕禮本章之上有公為大夫舉旅章章內云笙入立于縣中奏南咳白華華黍又有獻工諸儀而

下更有間歌合樂章今大射禮

不然者所謂重于射畧于樂與

擯者自阼階下請立司正公許擯者遂為司正

見燕禮司正適洗洗

司正適洗洗

角觶南面坐奠于中庭升東楹之東受命于公西階上北面命賓

諸公卿大夫公曰以我安賓諸公卿大夫皆對曰諾敢不安燕禮無造

沈二字無賓司正降自西階南面坐取觶升酌散降南面坐奠觶

同燕興右還北面少立坐取觶興坐不祭卒觶奠之興再拜稽首

同燕左還南面坐取觶洗南面反奠于其所北面立燕禮無北面立三字其時

司正既反奠則升自西階請徹俎而燕矣此以將射故司正北面立以待司射畧如鄉射也

### 右立司正

司射適次祖決遂執弓挾乘矢于弓外見鏃于射右巨指鉤弦自

乍階前曰為政請射以下畧與鄉射同錄其異者如左此節鄉射無次上有未旅三耦候于堂西南東上三句

執弓挾矢以下較畧而所請先賓後主亦異注曰司射即射也也次謂射耦之次張幃席為之在洗之東南袒者左兔衣也方持

然矢曰挾弣弓把也見儀馬順其射也為政謂司馬也司馬政官  
主射禮者疏曰云司射即射人也者按燕禮云射人告具又云射  
人納賓又云射人請立司正公許射人遂為司正又云乃薦司正  
是射人之與司正實一人也按此篇云射人告具又云大射正擯  
又云擯者請立司正公許遂為司正又云司射請射又公就物小  
射正奉矢拾以筭大射正執弓注云大射正舍司正親其職也又  
乃薦司正注云大射正見也則擯者司正大射正亦一人也耦次  
在洗東南無正文按洗在阼階之東南鄉射禮云乃設楅于中庭  
南當洗而此下文出次西行取矢又北行向楅則次在洗東南矣  
云方持弦天曰挾者以矢橫為方鄉射記云凡挾矢于二楅間橫  
之是也周禮夏官司馬其屬六人掌邦政故為政謂司馬也愚按  
鄉射升自西階請射于賓賓許乃告主人者尊賓也此但自阼階  
前請射于公者公尊故也又按鄉射禮堂西袒決遂取弓矢遂告  
于階西而大射執弓挾矢于次者亦大射禮大故有次也

曰大夫與大夫士御于大夫

此條鄉射在下文。注曰告者告選

三耦于君也御侍也大夫與大夫為耦不足則士侍于大夫為耦者曲禮君使士射注云以備耦是也愚按鄉射先請賓次告主人主于尊賓故其選耦不告主人而納器後第命于射耦大射不請賓但請公主于尊君故其選耦先告公而于納器後乃命于射耦也

遂適西階前東面右顧命有司納射器

此下二節鄉射文異疏曰命謂司射命之也有司

謂士佐執事不射者也鄉射西階前西面命弟子納射器此則東面者君在作宜向之也右顧者以有司是士士在西階南是以仍

右顧射器皆入君之弓矢適東堂賓之弓矢與中籥皆止于西

堂下衆弓矢不挾總衆弓矢福皆適次而俟

注曰中謂間中盛算之器也籥即算也

奠辭之器衆弓矢不挾謂三耦及卿大夫以下之弓矢則公與賓納者挾之矣司射矢亦止西堂下福承矢之器疏曰鄉射記云于郊則間中據此大射也云司射矢亦止西堂下者下文云司射卒誘射遂適堂西改取一个挾之是也

人升自北階兩楹之間疏數容弓若丹若墨度尺而午射正蒞之

卒畫自北階下司宮埽所畫物自北階下

此下三節鄉射無注曰工人士梓人皆司空

之屬一縱一橫曰午謂畫物也射正司射之長升降自北階位在北堂下也疏曰冬官雖亡今考工記有梓人此工人士與梓人同事當屬司空也一縱一橫曰午鄉射記橫與距隨是也但未知縱者橫者若為用丹若為用墨或科用其一耳度尺鄉射記云縱如

等三尺橫如

武尺二十寸

太史侯于所設中之西東面以聽政

注曰侯者其時中未設侯有事

也鄉射禮云設中南當楹西當西序東面

司射西面誓之曰公射大侯大夫射參士射

于射者非其侯中之不獲卑者與尊者為耦不異侯太史許諾

注曰

誓猶告也疏曰賓與君為耦同射大侯士與大夫為耦同射參侯既與尊者為耦不別侯也

遂比三耦三耦侯

于次北西面北上司射命上射曰某御于子命下射曰子與某子

射鄉射云司射不釋弓矢遂以比衆耦于堂西北面命注曰比

選次之也不言三耦而者大夫門右北面士西方東面也侯者未知其耦也疏曰大大門右北面士西方東面仍依朝位而言也

天子三侯六耦畿內諸侯二侯四耦畿外諸侯三侯三耦云未知其耦者下始命耦卒遂命三耦取弓矢于次

鄉射有命張侯命倚旌命遷樂命讓命取

矢各條乃誘射注曰取弓矢不拾者次中懸蔽處也疏曰若鄉射堂西顯露之處則拾取矢也

### 右初請射命射

司射入于次，搢三挾，一个出于次，西南面揖，當階北面揖，及階揖升。

堂揖，當物北面揖，及物揖，由下物少退，誘射。鄉射無次，不言出入，此數句約當鄉射。

節蓋省文。疏曰：至此云入次，搢三挾，一个，則已前皆挾乘矢。鄉射亦然。射三侯，將乘矢始射，干又射。

參大侯再發。鄉射無三侯，但云將乘矢。卒射，北面揖，及階揖，降如升射之儀。注曰：

揖者，揖于當物之處也。不南面者，為不背鄉也。疏曰：按鄉射誘射，卒南面揖者，彼尊東公卿大夫位同，故司射不特致其尊。此六射

辨尊卑，尊東惟有三王之命，卿餘小鄉及大夫皆賓西，故特尊之，不肯之也。遂適堂西，收取一个挾之，遂

取扑搢之，以立于所設中之西南東面。注曰：于是言立者，其位也。鄉射記云：司射之弓矢與

扑倚于西階之西。疏曰：按鄉射司射先就位，乃誘射。此則誘射卒，乃始就位者，由大射各有一次當就。次取弓矢射訖，無事乃就位。

故云于是言立者，其位也。引鄉射記者，此不言司射倚弓矢之處，故引之。

### 右司射誘射

司馬師命負侯者執旌以負侯負侯者皆適侯執旌負侯而俟此

鄉射畧同鄉射但云司馬。司馬師正之佐也負侯謂獲者也天子服不氏下士一人彼四人享以旌居乏而待獲諸侯亦然也餘

見鄉射司射適次作上耦射適次鄉射云還司射反位上耦出次西

面揖進上射在左並行當階北面揖及階揖上射先升三等下射

從之中等見鄉射但多出次二字上射升堂少左下射升上射揖並行皆當

其物北面揖及物揖皆左足履物還視侯中合足而俟同鄉射注曰上射

在左便射位也視侯中各視其參侯干侯之中也疏曰鄉射亦云

上射在左不云便射位者彼東面位上射在北本居左故在左不

取便射位之義此西面位上射在北本居右故上射須在左司馬

正適次袒決遂執弓右挾之出升自西階適下物立于物間左執

弣右執簫南揚弓命去侯司馬正適次袒而決遂者大射禮降也鄉射云司馬適堂西不決遂。注曰司

馬正政官之屬適下物由上射後東過也鄉射禮云由上射之後西南面立于物間疏曰天子有大司馬卿一人小司馬中大夫二人諸侯禮亦應有小負侯皆許諾以官趨直西及之南又諾以商司馬號為司馬正也

至之聲止投獲者退立于西方獲者與其而俟

商猶正也。注曰官為君商為君其

聲和相生也獲者謂服不氏與其徒也鄉射禮云獲者執旌許諾聲不絕以至于于之坐東面偃旌與拱而俟疏曰云聲和相生者宮生徵徵生商雖隔徵亦是相生之義宮數八十一商數七十二旌宮則相應故聲和也鄉射臣禮但云諾聲不絕之屬而已不言宮商引之証與此不同也司馬正出于下射之南還其後降自西階遂適次釋

弓說決拾襲反位

鄉射云反由司射之南適堂西又云反位立于司射之南

司射進與司馬正

交于階前相左由堂下西階之東北面視上射命曰毋射獲毋獵

獲

鄉射

上射揖司射退反位乃射

鄉射

上射既發挾矢而后下射

射拾發以將乘矢

鄉射云挾弓矢

獲者坐而獲舉旌以宮偃旌以商獲而

未釋獲鄉射卒射右挾之北面揖揖如升射鄉射云皆執弓上射

降二等下射少右從之中等並行上射于左與升射者相左交于

階前相揖適次釋弓說決拾襲反位鄉射云降三等又云襲三耦

卒射亦如之鄉射司射去扑倚于階西適阼階下北面告于公曰

三耦卒射反播扑反位鄉射卒射告于賓者尊賓也此不告于賓

此不揖者君非賓比也

### 右三耦初射

司馬正袒決遂執弓右挾之出與司射交于階前相左升自西階

自右物之後立于物間西南面揖弓命取矢鄉射云司馬適堂西

與司馬交又西階下有鈎楹二字。出者適次袒而出也。疏曰不在位上袒而入次者取弓凡袒襲皆于隱處鄉射無次司馬適

堂西袒執弓矢是雖無負侯許諾如初去侯皆執旌以負其侯而

次者亦不在位袒也鄉射云獲者執旌許諾聲不絕司馬正降自西階北面命設楅

俟以旌負侯而俟去猶離也小臣師設楅司馬正東南以弓為畢鄉射云司馬出于左物之南

北面立于所設楅之南命弟子設楅乃設楅于中庭南當洗東肆

鄉射無小臣師故命弟子也畢以教助執事者蓋互文。疏曰畢

本助載鼎實之物司馬執弓指授以助設楅者猶周禮司市執笏以為鞭度然故日以弓為畢也既設楅司馬正

適次釋弓說決拾襲反位小臣坐委矢于楅北括司馬師坐乘之

鄉射云司馬反仗弟子取矢卒若矢不備則司馬正又袒執弓升

委于楅謂為北面坐乘之命取矢如初曰取矢不索見鄉射乃復求矢加于楅卒司馬正進坐

左右撫之鄉射云弟子自西方應曰諾自卒以下鄉射並無司

也凡坐皆北面興復位馬正前不自撫今乃撫之也。注曰左右撫分上下射

也凡坐皆北面興復位

右初射取矢

司馬適西階西倚扞升自西階東南請射于公公許請于公遂適如初也

西階上命賓御于公鄉射云賓主人大夫若皆與射則遂告于諸賓適作階上告于主人主人與賓為耦

公卿則以耦告于上大夫則降卽位而后告鄉射無此條。告于上謂告諸公卿于堂

上尊之也司射自西階上北面告于大夫曰請降司射先降搢扞反位

大夫從之降適次立于三耦之南西南北上鄉射遂告于大夫不請降。注曰適次由

次前而北西面立也疏曰鄉射告主人與賓為耦遂告大夫與士為耦而賓主人與大夫皆未降至三耦卒射乃降而與耦升射彼

主人與賓皆異故大夫未降與此異也。上司射等適次謂入次中此適次者大夫降自西階東行過次向堂東西面立非入次也

司射東面于大夫之西北耦大夫與大夫命上射曰某御于子命

下射曰子與某子射鄉射云大夫雖眾皆與士為耦告于大夫曰某御于子卒遂比眾耦衆

耦立于大夫之南西南北上

鄉射作射在前比耦在後此耦在前作射在後。眾耦即士也。

有士與大夫為耦則以大夫之耦為上命大夫之耦曰子與某子

射告于大夫曰某御于子

先命大夫之耦為上射也。注曰大夫之耦為上謂居群士之上也。注曰大夫

射其辭猶如下射然尊大夫也。疏曰云居群士之上者謂士與大夫之尊者為耦則居群士之上也。三耦六人而已。國有三卿五大

夫而使士為耦者或有故或出使容有不足使士備耦也。愚按為上即謂士為上射大夫為下射是士雖為上射其辭猶尊大夫上

下文意亦正相足。然注作士與大夫耦則居群士之上者承上眾耦立于大夫之南而言義當然也。以鄉射文推之亦可見。

眾耦如命三耦之辭

如其命上射下射之詞也。

諸公卿皆未降遂命三耦各與

其耦拾取矢皆袒決遂執弓右挾之

注曰言未降者見其志在射也。遂命以下蓋命入次之事。

疏曰言未者後當降射故云未也。若終不降射不得言未降。鄉射記眾賓不與射者不降。注云不以無事亂有事也是也。知此是命

入次之事者上未有三耦入次袒決遂之事下文乃云耦出明此是命入次之事也。愚按言未降猶鄉射言賓主人大夫皆未降

也。但此大夫先降為異耳。鄉射司射命訖當反位。此不言一耦出者。以三耦入次。其出乃作取矢。是事未訖。故不言反位也。注曰：西面揖當楅。北面揖及楅。揖。西面之揖。猶鄉射言揖進也。注曰：三耦同入次。一耦先出。乃西面揖行也。上射東面。下射西面。上射揖進。坐橫弓。卻手。自弓下取一個兼。諸附與順羽。且左還。毋周。反面揖。下射進。坐橫弓。覆手。自弓上取一個兼。諸附與順羽。且左還。毋周。反面揖。見鄉射此文。多毋周者。君禮異于臣也。餘則文有衍縮耳。注曰：左還。反其位也。毋周者。右還而反東面也。君在阼。若還周。則下射將背之矣。疏曰：毋周者。左還行至位。即右還而反東面。是還不周也。云君在阼。還周。則下射將背之者。上射左還。已背君。而上射去君遠。故據下射而言。下射還周。為背君。若左還。向東。覆即右還。西面。是不背君也。愚按鄉射云：順羽。且與左還。此云與順羽。且左還。文有異者。與也。順羽也。左還也。皆據一時言之。故曰：且也。鄉射順羽。且與左還。疏云：右手順羽之時。則且與矣。既此與順羽。且左還。是與而順羽之時。則且左還也。餘詳鄉射。既拾取矢。相之。兼挾乘矢。皆內還。南面揖。適楅。南皆左還。北面揖。搯。

三挾一个揖以耦左還上射于左還者與進者相左相揖還退釋

弓矢于次說決拾襲反位注曰相齊等之也內還者上射左旋下射右旋見不皆左旋也上射東面左陽

為內下射西面右陰為內還必內者亦以君在阼嫌下射左還而

背之也福南即當福也以前者猶與也上射轉居左便其反位也上

射少北乃東面矣疏曰云君在阼嫌下射左還而背之者若上射

左還是背君若下射亦左還則初時面向君轉身南面背君多

矣上射東面左還時以左手還取東相陽方為內下射西面右還

時以右手還取西相陰方為內故得左右相向為順也云居左便

其反位者在次北西面是以上射居左至次北右還西面為便

以次在福東南上射北面揖時已在次西南故少北乃東面得當

次也愚按皆內還南面揖注云不皆左還者對鄉射皆左還

而言也大射嫌背君故皆內還鄉射不嫌背君故皆左還

拾取矢亦如之鄉射二作三後者遂取誘射之矢兼乘矢而取之

以授有司于次中皆襲反位鄉射云授有司于西方而後反位

司射作射如初

耦揖升如初司馬命去侯負侯許諾如初見鄉射

司馬降釋弓反位

鄉射

右再請射命射

司射猶挾一个去扑與司馬交于階前適阼階下北面請釋獲于

公許反摺扑遂命釋獲者設中以弓為畢北面鄉射命釋獲者設中

遂視之此用弓為畢以助指授猶視之之意也說見命設幅節太史釋獲小臣師執中先首坐設

之東面退太史實八算于中橫委其餘于中西與共而俟鄉射云釋獲者

執鹿中一人執算以從之注曰先循前也命太史設中而小臣師執而設之太史惟實算者罔君官多也小臣師退反東堂下之位鄉射云橫委其餘于中西南末疏曰按鄉射臣禮官少釋獲者

白執中尚使人執算况國君官多太史下白執中豈得自執算乎

明亦使人執之但文不備也愚按太史釋獲明大史為釋獲之人奉命設中而人為代設之也可射西面命曰中

離維綱揚觸相復公則釋獲衆則不與唯公所中中三侯皆獲鄉射

儀禮

卷八

三

無此下三節大射君禮故異也。注曰：離猶過也。獵也。侯有上下。綱其制。射舌之角者為維。或曰：維當為絹。絹綱耳也。揚觸者謂矢中他物。揚而觸侯也。相復者謂矢至侯不著而還反也。公則釋獲。優君也。宋則不與。明當中鵠而著也。三侯皆獲者。值中一侯則皆釋獲也。疏曰：云離過也。獵也者。謂矢過獵。因著維與綱也。維者謂上躬之上舌。下躬之下舌。兩頭皆有角。以小繩絞角而繫于植也。綱者謂上綱下綱。皆出古八尺。亦用繩以繫也。云三侯皆獲。則中離維綱及揚觸相復。亦皆釋之。不言者。以中為主也。通解曰：按綱耳。即籠綱。以布為之。梓人謂之綱。而此謂之絹。字雖異而音則同也。思按注雖詳。經義始不然。離之言。屢如詩。雉離鴻離之。麗注訓離為過。獵則于上中。字以難通。至唯公所中。中五字為句。上中去聲。謂中之也。下中如字。乃侯中之中。蓋言上三者。眾不釋獲。公則釋之。然亦一侯釋獲耳。惟公所中在侯中。則三侯皆獲。凡皆以優君也。蓋唯字之義。緊承上四句而言。中中與上三者相對。皆獲與釋獲相對。注疏未釋獲者。命小史小史命獲者。注曰：傳告服不體其義。故謹參之。釋獲者。命小史小史命獲者。注曰：傳告服不所命也。疏曰：據大侯言。告服不氏參。侯于侯皆告可知。舉遠以見近也。

### 右再射請釋獲

司射遂進由堂下北而視上射命曰不貫不釋上射揖司射退反

位鄉射無視上射三字釋獲者坐取中之八算改實八算與執而俟乃射同鄉

射若中則釋獲者每一个釋一算上射于右下射于左若有餘算

則反委之見鄉射又取中之八算改釋八算于中與執而俟同鄉射

### 右再射三耦釋獲

三耦卒射賓降取弓矢于堂西諸公卿則適次繼三耦以南鄉射

人大夫皆由其階降揖以射此為公將與賓射卿大夫後乃揖射也注曰賓降者不敢與君並俟告也取之以升俟君事畢矣言

繼三耦明在大夫北也注曰下云司射告射于公小射正取公之

決拾并授弓拂弓是君得告乃取弓矢賓不敢與君並俟告故降也適次尚三耦以南者射位在堂東次在洗東南今諸公卿東南

適次前席立三耦在北大夫在南而諸公卿在三耦之南大夫之北也愚按注云升俟君事畢者蓋取之即升于其西階之位以俟也下文公將射司射適西階東告于賓而後賓降適堂西祖決

執弓矢升自西階故注云取之以升侯君事畢矣鄉射云三耦卒射賓主人大夫皆由其階降此正主為公不降故惟賓降而公卿

也。公將射則司馬師命負侯皆執其旌以負其侯而侯司馬師

反位隸僕人埽侯道自此至鄉大大繼射與鄉射異禮。注曰君尊若始焉也埽侯道斬之也疏曰按始時司

馬已命負侯而三耦將射司馬已命去侯矣今君將射司馬更命負侯是君尊若始焉也司射去扞適阼階下

告射于公公許適西階東告于賓遂搢扞反位又告公當射也小射正一

人取公之決拾于東楹上一小射正授弓拂弓皆以俟于東堂注曰

授決授大射正也拂弓去塵也疏曰據此上下或云大射正或云

司射或云小射正當是大射正一人為上司射次之司射或謂之

小射正也但小射正不止一人如此文既云小射正一人又云一

小射正是也下文大射正執弓授公明此授弓為授大射正矣

公將射則賓降適堂西袒決遂執弓搢三挾一个升自西階先待

于物北北一筈東面立注曰先待于物北不敢與君併也筈矢幹也東面立向君也疏曰前文賓降適堂西

取弓矢無賓升堂之文但文不其其實即升矣是以此文云賓降也按周禮夫人矢筭長三尺則此賓立于物北三尺矣愚按賓為公攝而不敵並者杜並后之漸俯率夫為獻主之義也司馬升命去侯如初還右乃降釋弓

反位注曰還右還君之右也猶出下射之南還其後也疏曰知還右為還君之右者按上文初射時司馬立于物間南揚弓命

去侯疏出下射之南還其後降自西階釋弓反位今此賓為上射君為下射故知為還君之後也公就物小射正

奉決拾以箚大射正執弓皆以從于物注曰箚葦器也執弓者大射正舍司正親其職下

文大射正反司正之位是也小射正坐奠箚于物南遂拂以巾取決興贊設決

朱極三注曰極以箚括利放弦也朱幸為之故各朱極三者食也指將指無名指所著也無極恐放弦契于指而痛也小

臣正贊祖公袒朱禱卒袒小臣正退俟于東堂袒而朱禱明不盡袒也小射

正又坐取拾興贊設拾以箚退奠于坵上復位注曰既袒乃設拾拾以蘇縠上也

日拾以拾箚所體宜在朱禱之上於既袒乃設拾也鄉射云袒決遂以其無縠故遂與決俱設若大夫對士射袒縠縠設遂亦當在

也。祖後大射正執弓以袂順左右。喂上再下。登左執弣右執箠以授

公公親揉之。小臣師以巾內拂矢而授矢于公稍屬。注曰順放之也。張弓淵也。

揉者宛之觀其安危也。今文順為循。內拂恐塵及君也。稍屬不指

矢也。愚按稍屬二字。注云不指矢也。未詳其義。考記云公樂作而

後就物稍屬不以樂志。則是樂作而後就物為句。稍屬不以樂志

為句。以此推之。稍之言猶漸也。屬之言猶繼也。言小臣授矢于公

以漸相繼其節自與樂相應。而公初不必以樂節為識。志其時大

射正則又以矢行之遠近左右告公。以改之。凡皆以優公也。如此

看經義明而注義亦大射正立于公後以矢行告于公下曰留止

可通矣。學者詳之。曰揚左右曰方。注曰若不中當使君知而改其度也。留不至也。揚過去也。方旁出也。公既發大射正

受弓而俟拾發以將乘矢。注曰公下射也。而先發者不留尊也。疏曰按上三耦射者上射射訖乃次下射

今公先發故公卒射小臣師以巾退反位大射正受弓小射正以

注云爾也箭受決拾退奠于坫上復位大射正退反司正之位小臣正贊

贊

各仍其  
職也  
公還而后賓降釋弓于堂西反位于階西注曰階西東面賓降

位也疏曰上文賓受獻公即席司正以命升賓賓升復筵而后卿說降立于階西東面

大夫繼射疏曰公與賓復升即位者公卿諸公卿取弓矢于次以下繼射公與賓當觀之位也

袒決遂執弓搢三挾一个出西面揖搢如三耦升射鄉射大夫射儀煩矣此云

如三耦卒射降如三耦適次釋弓說決拾襲反位畧見鄉射而眾文有先後

皆繼射句釋獲皆如初鄉射下有司射所作惟上耦句此省文

愚按注說非是釋獲卒射釋獲者遂以所執餘獲適階下北面

告于公曰左右卒射反位坐委餘獲于中西興共而俟見鄉射

本記君射則為下射上射退于物一筭既發則答君而俟此記君射

之禮而因歷言大夫士之禮也注曰答對也君國中射則皮樹中以翻旌獲白羽與

朱羽糅于郊則間中以旌獲于竟則虎中龍旗

注曰國中城也謂燕射也皮

樹獸名今文皮樹為繁蓋以翽旌獲則文也于郊者郊之大學

謂大射也王制云大學在郊間獸名如驢一角而岐蹄周者北

唐以間是也析羽為旌于竟謂與鄰國君射也通帛曰旌畫龍

于廬亦尚文也疏曰知城中是燕射者以大射不在國也尚文

德者文舞用羽武舞用干也析羽為旌通帛為旌司大夫兕

常文愚按廬而畫龍即交龍曰旌也曰通者散文通大夫兕

各以其物獲士鹿中詡旌以獲

義詳

惟君有射于國中其餘否

註曰臣不敢習射于君側也

君袒朱襦以射小臣以中執矢以射

大夫則袒

臣執矢矣君樂作而後就物

樂節多也

右再射公及鄉大夫等釋獲

司馬袒執弓升命取矢如初負侯許諾以旌負侯如初司馬降釋

弓如初小臣委矢于楛如初

初射負侯云獲者小臣云弟子。注司馬司馬正也于是司馬師亦

乘矢疏曰皆言如初。賓諸公卿大夫之矢皆異束之以某卒正坐。故注按上文而言也。

左右撫之進束反位賓之矢則以授矢人于西堂下。鄉射云大夫之矢兼束之

以某上握焉。注曰異束者大夫矢尊殊之也正謂司馬正也進

前也又言前束者整結之示親也言矢人則納射器之有司各以

其器名也不言君矢蓋小臣以授矢人于東堂下矣疏曰公卿皆

異束注但言大夫者三耦之內大夫以士耦之士矢不束大夫束

之故特曰尊殊之也思按鄉射云兼束者謂總束之即總取之而

不拾也大夫以下不兼束則束者為異明矣矢人是考工記之職

名注謂納射器之有司各以器名官恐非如其說司馬釋弓反位

則何不并名中人算人擯人而獨名矢人乎。司馬釋弓反位

而后卿大夫升就席。注曰此言其升前于小臣委矢也疏曰按上

不即言其升就席是以于此特言之耳。故注言其升在于小臣委矢之前也

### 右再射取矢

司射適階西釋弓去扑襲進由中東立于中南北面視算。見鄉射釋

獲者東面于中西坐先數右獲二算為純一純以取實于左手北

純則縮而委之每委異之有餘純則橫諸下一算為奇奇則又縮

諸純下射見鄉興自前適左東面坐兼斂算實于左手一純以委

十則異之其餘如右獲見鄉射按此多一坐字蓋衍司射復位釋獲者遂進取

賢獲執之由阼階下北面告于公射見鄉若右勝則曰右賢于左若

左勝則曰左賢于右以純數告若者奇者亦曰奇射同鄉若左右鈞

則左右各執一算以告曰左右鈞射同鄉還復位坐兼斂算實八算

于中委其餘于中西興其而俟射同鄉

右再射視算

司射命設豐鄉射云適堂西命弟司官士奉豐由西階升北面

設豐此則命司官士也

坐設于西楹西降復位勝者之弟子洗觶升酌散南面坐奠于

上降反位鄉射云弟子奉豐又云降袒執弓反位。疏曰按廟酬

投者尊之也下注云授爵而不奠于豐尊大夫也是也其大夫

在三耦之內雖大夫亦取于豐矣以與衆耦同事不復殊之也司

射袒執弓挾一个摺卦東面于三耦之西命三耦及衆射者勝者

皆袒決遂執張弓不勝者皆襲說決拾卻左手右加弛弓于其上

遂以執弣鄉射禮云北面云三耦之南餘畧同司射先反位三耦及衆射者皆升飲

射爵于西階上鄉射云皆與其耦進立于射位北上。注曰凡不

在不勝之黨雖數中亦飲罰爵及論其藝雖受罰爵亦得助祭或

幸在勝黨雖不中亦不飲罰爵及論其藝雖不受罰爵亦不得助

祭蓋飲罰爵一黨助祭據一身義故不同也小射正作升飲射爵者如作射一耦出揖

如升射見鄉射

及階勝者先升掌少右不勝者進北面坐取豐上之

觶與少退立卒觶進坐奠于豐下與揖同鄉射不勝者先降與升飲

者相左交于階前相揖適次釋弓襲反位鄉射云遂適堂西僕人師繼酌

射爵取觶實之反奠于豐上退俟于序端升飲者如初鄉射云有執爵者彼

無僕人師故也亦無退俟于序端句三耦卒飲同鄉射若賓諸公卿大夫不勝則不降

不執弓耦不升僕人師洗升實觶以授賓諸公卿大夫受觶于席

以降適西階上北面立飲卒觶授執爵者反就席鄉射只有耦不升句若飲

公則侍射者降洗角觶升酌散降拜公降一等小臣正辭賓升再

拜稽首公答再拜以下五節鄉射禮無注曰侍射者謂賓也飲君不敢以為罰從致爵之禮也疏曰角觶即兕

觥容三升蓋罰爵也此賓自酌用之如酌訖飲君以象觶則從獻賓之爵不敢用罰爵也賓坐祭卒爵再拜稽

首公答再拜自酌拜祭拜皆致爵之禮也賓降洗象觶升酌膳以致下拜小臣

正辭升再拜稽首公答再拜象解所謂獻賓之爵也公卒解賓進受解降洗

散解升實散下拜小臣正辭升再拜稽首公答再拜受爵不祭卒爵不拜象射

爵也雖行致爵之禮川獻賓之爵謙不敢當也。注曰賓復酌自飲者夾爵也但如致爵則無異于燕夾爵亦以恥公也鄉射記所

謂若飲君如燕則夾爵也賓坐不祭卒解降奠于篚階西東面立擯者以命升

賓賓升就席賓亦不祭因君也擯者司正也升之不令過降也若諸公卿大夫之耦不勝

則亦執弛弓特升飲見鄉射。注曰此耦亦謂士也特猶獨也與尊為耦而又不勝使之獨飲若無倫匹也

眾皆繼飲射爵如三耦射爵辨乃徹豐與解見鄉射

右再射飲不勝者

司官尊候于服不之東北兩獻酒東南南上皆加勺設洗于尊西

北篚在南東肆實一散于篚此章與鄉射除官職不同外餘文錯見義亦多同。注曰此為大侯獲者

設尊也言尊侯者獲者之功由侯也不于初設之者不敢必君射也君不射則不獻大侯之獲者也散爵名容五升疏曰按上張侯先設大侯者大射為祭擇士君當親也但不必其射故設大侯之尊侯君射訖乃設之君容有不射之理也韓詩傳云一升曰爵二升曰觚三升曰觶四升曰角五升曰散愚按注云不必君射說似曲蓋乏東不便豫設故俟射畢耳司馬正洗散遂

實爵獻服不侯西北三步北面拜受爵司馬正西面拜送爵

反位注曰言服不而不言獲者尊大侯也服不氏司馬之屬侯西

北三步拜受近其所為也洗酌皆西面反位不侯卒爵畧賤也疏口周禮服不氏掌養猛獸教之使擾馴象王者服不服之諸侯故名也設尊設洗皆東面故知洗爵酌酒皆西面西面不嫌背君者以其南統于侯故也服不得獻由侯所為故不近之而近侯服不祭侯乃卒爵而司馬反位在未祭侯之前故云畧賤也服不與其徒皆在獲所既獻服不必兼獻其徒但經文不具下注云司馬正皆獻之是也宰夫有司薦庶子設折俎注曰有司宰夫之吏也折俎鄉射卒錯獲者適右个薦俎從之記云獲者之俎折脊脅臑是也

獲者左執爵右祭薦俎注曰不言服不而言獲者固君二手祭酒之大侯服不氏負侯容其徒居

乏待獲而皆獻之變其文也薦俎已錯乃適右个明此獻歸功于  
侯也適右个由侯內也鄉射記云東方謂之右个祭俎不奠獻不  
備禮也二手祭酒者獲者南面于俎北右祭侯于豆間左爵反注  
一手不能正故二手也天子祝侯曰唯苦寧侯無或若女不寧侯  
不屬于王所故抗而射女疆飲疆食貽女曾孫諸侯百福諸侯以  
下祝辭未聞疏曰按天子服不氏下士一人徒四人掌以旌居乏  
待獲故注言容其徒也云適右个由侯內者以其既祭左个次祭  
右个乃祭于中故知適右个由侯內也祭俎者謂祭俎上肺也愚  
按注云容其徒居乏待獲而皆獻之變其文也說亦曲其徒待獲  
而得獻固亦是理但服不受獻其徒祭薦俎如何可通禮有主者  
在而贊祭之儀亦有主者不在而攝祭之儀而有主易主者無之  
也蓋服不是尊彌獲者是通稱故變其文首以服不特尊之耳注  
說非是  
適左个祭如右个中亦如之注曰先祭个後祭中者以外至  
中若神在中也鄉射禮云獻獲  
者俎與薦皆三祭卒祭左个之西北三步東面設薦俎立卒爵司馬師受  
虛爵注曰此鄉受獻之位也不北面者嫌為侯卒爵也不言不拜  
既爵司馬正已反位不拜可知鄉射禮云獲者薦右東面立  
飲不拜既爵是也疏曰前服不侯西北面受獻者欲歸功于先獻  
侯故也今卒爵則東面者以前受獻今卒爵皆為已故也

隸僕人與巾車獲者皆如大侯之禮鄉射無隸僕巾車之禮

侯獲者守參侯于侯凡其受獻之禮如服不也不言量人者自後

以及先可知也疏曰注云中車張大侯舉尊者而言其參侯于侯

亦張之前文司馬遂命量人巾車張三侯是也云獲者守參侯于

侯以上文已獻大侯服不獲者明此是參侯于侯之獲者可知愚

按稱獲者本通指三侯以大侯尊特標卒司馬師受虛爵莫子

為服不故注謂此獲者為參侯于侯與注曰僅謂獲者之能也

獲者皆執其薦庶于執俎從之設于乏少南注曰少南為復

射妨旌自服不而南也疏曰白服不而南無正文以其受獻于服不之位明繼服不而南也服不復負侯而侯

鄉射云獲者負侯而侯

### 右再射獻獲者

司射適階西去扑適堂西釋弓說決拾襲適洗洗觚升實之降獻

釋獲者于其位少南薦脯醢折俎皆有祭鄉射無適堂西句餘並同注曰獻釋獲者與

獲者異文武不同也疏曰獻獲者于侯西北向受獻歸功于侯釋  
是其武獻釋獲者升堂酌酒就釋奠之所東南獻之是其文獻釋  
獲者薦右東向拜受爵司射北面拜送爵同鄉釋獲者就其席坐

左執爵右祭脯醢與取肺坐祭遂祭酒與司射之西北面立卒爵

不拜既爵同鄉司射受虛爵奠于篚釋獲者少西辟薦反位同鄉

### 右再射獻釋獲者

司射適堂西袒決遂取弓挾一个適階西搯拊以反位見鄉射司射

倚拊于階西適階下北面請射于公如初見鄉射注曰鄉射

大射再射升請三射不升請者賓諸公卿大夫既射矣聞之可知也反搯拊適次命三耦皆袒決遂

執弓序出取矢互文耳司射先反位三耦拾取矢如初小射正

作取矢如初鄉射統命三耦等執弓就位司射先反位耦等乃進反于射位此則專命三耦拾取矢司射先反位三耦

乃拾取矢又鄉射司射自作拾取矢此則司射命拾取小射三耦  
 正作取矢注曰小射正司射之佐也作取矢禮殺代之也  
 既拾取矢諸公卿大夫皆降如初位與耦入于次皆袒決遂執弓

皆進當楅進坐說矢束上射東面下射西面拾取矢如三耦鄉射

賓主人大夫降揖如初餘文異義曰注曰凡諸公賓繼射命耦

而已不作射不作取矢從初也疏曰按前文再射之時諸公卿亦

以耦告于堂上大夫之耦則降而後告命衆士之耦如命三耦是

總射命耦也又按其後公即席賓升筵復位而後卿大夫繼射卒

射反位衆皆繼射釋獲皆如初注云諸公卿言取弓矢衆皆釋獲

互言也則此文小射正但作三耦拾取矢公以下但拾取矢亦無

作拾文是繼射命耦而已不作射不作取矢從初也愚按不作射

即鄉射所謂司射所作惟上耦也鄉射亦無作大夫取矢之文大

然射亦若士與大夫為耦士東面大夫西面大夫進坐說矢束退反

位耦揖進坐兼取乘矢興順羽且左還毋周反面揖大夫進坐亦

兼取乘矢如其耦北面揖三挾一个揖進見鄉射注曰大夫說

矢束者將自同于三耦

拾矢謙也。士兼取來矢者，不敢與大夫拾也。如其耦者，本欲與之拾，而今如其兼取也。疏曰：既是大夫，則東異于三耦，故說矢東自同于三耦。大夫與其耦皆適次，釋弓說決拾襲反位，諸公卿升就為謙也。

席注曰：大夫反位，諸公卿乃升就席。大夫與公卿上下位也。疏曰：諸公卿大夫自為席者，拾取矢在前。大夫與士耦者，說矢東兼取矢在後。今公卿大夫乃又待大夫反位而後升就席者，蓋以公卿乃上大夫，本與大夫同，而上下微異，故上大夫待下大夫反位乃升。衆射者，繼拾取矢，皆如三耦，遂入于次，釋弓矢說決拾襲就席也。

反位鄉射同。司射猶挾一个以作射如初。一耦揖升如初同鄉射。司馬

升命去侯，負侯許諾。司馬降釋弓反位同鄉射。

### 右三請射命射

司射與司馬交于階前，倚扞于階西，適阼階下，北面請以樂于公。

公許鄉射請于賓。注曰：請奏樂以為節也。始射獲而未釋獲復射釋獲又復射用樂，君子之于事也，始取苟能中課有功終

用成法教化之漸也射用應樂為難孔子曰射者何以射何以聽循聲而發發而不失正鵠者其唯賢者乎疏曰奏樂以為節若天子駒虞九節諸侯狸首七節大夫采蘋士采蘋皆三節也云獲而未釋獲者謂第一番射中雖唱獲未釋算云釋獲者謂第二番射唱獲復釋算云用樂者謂第三番射非直釋算復用樂也云射用應樂為難者禮射容比于禮節比于樂又須中于侯名為應樂節也司射反搯杜東面命樂正曰命用樂樂正曰諾鄉射無樂正曰諾句。疏曰此

時工在洗東西面樂正在工南北面司射在西階下東面云命樂正者東面建命之也司射遂適堂下北面

眡上射命曰不鼓不釋上射揖司射退反位見鄉射。注曰凡射之鼓節投壺其存者

也周禮射節天子九諸侯七卿大夫以下五疏曰射之鼓節多少無文今禮記投壺篇闕出魯鼓薛鼓云取半以下為投壺節盡用

之為樂正命大師曰奏狸首間若一大師不與許諾鄉射云奏騶虞間若一

樂正反位奏狸首以射鄉射云乃奏騶虞以射三耦卒射賓待于物如初鄉射

無此文此因公將公樂作而后就物稍屬不以樂志其他如初儀射故賓待于物也

卒射如初注曰不以樂志者君之射儀遲速從心其發不必應樂

思按稍屬不以樂志為句義詳再射賓就席句諸公卿大夫衆射者皆繼射句釋獲

如初見鄉射卒射降反位釋獲者執餘獲進告左右卒射如初同鄉射

右三射用樂并釋獲

司馬升命取矢負侯許諾司馬降釋弓反位小臣委矢司馬師乘

之皆如初鄉射云獲者許諾餘並同此蓋如初射司馬袒執弓至撫之也司射釋弓視算如初

同鄉射此左初射不釋算乃如再射司射通階西至如右獲也三射視再射亦初也釋獲者以賢獲與鈞

告如初復位同鄉射此如再射司射復位至與其而俟也

右三射取矢并視算

司射命設豐實解如初同鄉射如再射司射命設豐至反位也遂命勝者執張弓不

勝者執弛弓升飲如初同鄉射。如再射司射袒執卒退壘與解

如初鄉射無此二句。如再射射爵辯乃徹壘與解也。

### 右三射飲不勝者

司射猶袒決遂左執弓右執一个兼諸弦面鏃適次命拾取矢如

初見鄉射司射反位三耦及諸公卿大夫衆射者皆袒決遂以拾取

矢如初矢不挾兼諸弦面鏃退適次皆授有司弓矢襲反位見鄉射。

疏曰按鄉射禮云賓主人大夫衆賓皆矢不挾兼諸弦射此不言兼附彼不言面鏃各舉一邊省文也愚按鄉射三耦等弓矢不反

位遂授有司于堂西此皆授有司弓矢乃反位亦互文。卿大夫升就席司射適次釋弓說決

拾去扑襲反位見鄉射司馬正命退楅解網小臣師退楅巾車量人

解左下網司馬師命獲者以旄與薦俎退司射命釋獲者退中與

算而俟鄉射文頗異義亦同小臣師巾車並人猶其弟子解猶脫也

### 右射禮畢

公又舉奠解唯公所賜若賓若長以旅于西階上如初射畢乃奠大夫者前

將旅大夫為射未旅故也言如初者如前為賓舉旅西階以下也大夫卒受者以虛解降奠于篚

### 反位

右公為大夫舉旅燕禮此章在樂賓之前

司馬正升自西階東楹之東北面告于公請徹俎公許遂適西階

上北面告于賓燕禮司正承上立司正而言此不立司正承射時司馬正而言也。注曰射事既畢人倦禮殺宜徹

俎也賓北面取俎以出諸公卿取俎如賓禮遂出授從者于門外

燕禮卿大夫皆無俎賓取俎出亦無出授從者于門外句大夫降復位庶子正徹公俎降自阼

階以東

燕禮膳宰徹又大夫降在徹後。注曰復位復門東北面之位也。疏曰大夫無俎以賓及公卿皆送出不可獨於手

堂故降復位也。云東北北面位者初

小臣納卿大夫門東北面之位也。

右徹俎

賓諸公卿皆入門東面北上。司正升賓賓諸公卿大夫皆說屨升

就席。燕禮云賓反入及卿大夫皆脫屨升就席而無司正升賓之文。公以賓及卿大夫皆坐乃安

同燕禮。羞庶羞大夫祭薦。同燕禮。司正升受命。句皆命公曰衆無不醉

句賓及諸公卿大夫皆興對曰諾敢不醉皆反位坐。見燕禮。

右安燕

主人洗酌獻士于西階上士長升拜受鱸主人拜送。見燕禮。士坐祭

立飲不拜既爵。同燕禮。其他不拜坐祭立飲。同燕禮。乃薦司正與射人

于禪南北面東上，司正為上。

燕禮文小異，義同。注曰：司正大射，正也。射人小射正也。餘不言，畧其佐也。疏曰：按燕禮，薦司正與射人一人，司士一人，執事二人。此射人不言其數，又不言司士與執事二人，文不具也。

辯獻士，士既獻者，立于東方，西面北上，乃薦士。

燕禮同。

祝史小臣師亦就其

位而薦之。

燕禮同。

主人就士旅食之尊而獻之，旅食不拜，受爵坐祭

立飲。

燕禮同。注曰：主人既酌，西面送士旅食，北面受之也。疏曰：知主人既酌，西面送者，按上尊，士旅食于西，罇之南北面兩

罇，既酌不可背若南面投，故知西面也。

主人執虛爵奠于篚，復位。

燕禮無此二句，下有若射節。

### 右主人獻士

賓降洗，升媵，禪于公，酌散下拜，公降一等，小臣正辭，賓升再拜稽

首，公答再拜。

燕禮同。今文公答拜無再字。按燕禮全篇文皆答再拜者，蓋賓致爵與臣異而既徹俎安

坐，又與其前異，當以古文答再拜為正。

賓坐祭卒，爵再拜稽首。

公答再拜燕禮同賓降洗象觶升酌膳坐奠于薦南降拜小臣正辭

賓升成拜公答再拜賓反位燕禮同

右賓媵爵于公

公坐取賓所媵觶興唯公所賜受者如初受酬之禮燕禮同降更爵

洗升酌膳下再拜稽首小臣正辭升成拜公答拜燕禮同乃就席坐

行之有執爵者唯受于公者拜燕禮同司正命執爵者爵癸卒受者

興以酬士燕禮同大夫卒受者以爵與西階上酬士士升大夫奠爵

拜士答拜燕禮同大夫立卒爵不拜賓之士拜受大夫拜送燕禮同士

旅于西階上辯燕禮同

右公為士舉旅

士旅酌若命曰復射則不獻庶子

命君命也謂士旅酌遍而君有命也。注曰復射則不獻者獻

庶子則正禮畢後無事也疏曰獻酬之禮庶子以下最後得獻故復射在獻庶子之前也

司射命射唯欲卿大夫皆降再拜稽首公答拜

注曰唯欲者命賓及諸公卿大夫之屬欲者則射不欲者則止從人心也拜者

拜君樂與臣下執事無已也

不言賓賓從群臣禮在上也疏曰初

酬賓言賓耳再舉旅云惟公所賜若賓若長則不專于賓第三舉

旅云唯公所賜亦如之至為士舉旅直云惟公所賜復不言賓若

長也至此降獨及不言賓是賓禮以漸而殺從羣臣禮皆在上也

壺發中三侯皆獲

注曰和者益多尚歡樂也疏曰上文唯公得中三侯皆獲至此臣與君同是和者益多尚歡樂

也

### 右復射

主人洗升自西階獻庶子于阼階上如獻士之禮

燕禮同辨獻降洗

遂獻左右正與內小臣皆于阼階上如獻庶子之禮

見燕禮。此獻庶子之屬

本繼士旅酌之下其復射則獻庶于繼射也

右獻庶于左右正內小臣

無算爵

燕禮同

士也有執膳爵者有執散爵者執膳爵者酌以進公

公不拜受執散爵者酌以之公命所賜

燕禮同

所賜者與受爵降席

下奠爵再拜稽首公答再拜

燕禮同

受賜爵者以爵就席坐公卒爵

然後飲

燕禮同。注曰酬之禮爵皆代舉今二爵並行嫌不代故待公也待公卒乃飲雖並行猶代者然明勸惠從尊者來

也執膳爵者受公爵酌反奠之

燕禮同。注曰燕之歡在飲酒故執膳爵者更酌反奠于公所擬公

更賜爵成其歡燕之意也

受賜者與授執散爵者執散爵者乃酌行之

燕禮同

酌酌行之猶執膳爵者酌莫之之意也

唯受于公者拜

明執散爵者酌

卒爵者與以

酬士于西階上士升大夫不拜乃飲

燕禮同

實爵士不拜受爵大夫

就席同燕禮士旅酌亦如之同燕禮公有命徹筯則賓及諸公卿大夫

皆降西階下北面東上再拜稽首公命小臣正辭公答拜大夫皆

辟辟避同升反位士終旅于上如初見燕禮無算樂同燕禮宵則庶子

執燭于阼階上司宮執燭于西階上甸人執大燭于庭閽人為燭

于門外同燕禮

### 右無算爵

賓醉北面坐取其鷓脯以降奏同燕禮賓所執脯以賜鐘人于門

內衛遂出卿大夫皆出公不送同燕禮公入燕禮無此句注曰

奏之也其詩亦亡此公出而言入者射宮在郊以將還為入也燕

不鷓者于路寢無出入也疏曰按周禮鐘師九夏其中有鷓夏陔

夏故皆云樂章也

右賓出公入

王國澤射禮

此王將于射宮擇士以祭而先令其習于澤也。闕今將記射義記于左。

記射義天子將祭必先習射于澤澤者所以擇士也已射于澤

而後射于射宮

注曰澤謂近水澤寬容之地可習射者也。按記止言天子令士習射以義推之諸侯當亦然

但其義或異耳習而後擇禮下達可也。

王國射宮大射禮

說見上。

記周禮射人以射法治射儀王以六耦射三侯三獲三容

見諸侯大

州若王大射則以狸步張三侯王射則令去侯立于後以矢行

告卒令取矢祭侯則為位與大史數射中佐司馬治射正

正政同。

侯大射司馬命量人量侯道運命與中車張侯及射司馬師命負侯司馬令去之卒射司馬令取矢皆不言射人也亦無射人

為位及與太史數射中之文至其罰政則司射大司樂大射王

實治之又不言與司馬借矣凡明王大射異也出入令奏王夏及射令奏騶虞詔射夫以弓矢舞

王與樂章各以弓矢舞謂進退之儀也樂師凡射王以騶虞為節凡樂掌其序事治其

樂政序謂陳奏之次序大師大射帥贊而歌射節其節騶虞也司

裘王大射則共虎侯熊侯豹侯設其鵠見諸侯大射記車僕大射其三

乏即三客也大僕王大射則贊弓矢謂贊授受也大射則大僕贊燕射則小臣贊

義禮記射義節次微異禮記通解所定從之射者男子之事也因而飾之以禮

樂也故事之盡禮樂而可數為以立德行者莫若射故聖王務

焉教音朔下同飾謂修飾也男子生而有射事學禮樂以飾之也故射者進退周還必中禮

內志正外體直然後持弓矢審固持弓矢審固然後可以言中

此可以觀德行矣。

還旋同中行並去聲。見鄉射義。此上二節首原聖王以射觀德行之大義也。其節

天子以駒虞為節。諸侯以狸首為節。卿大夫以采蘋為節。士以

采蘋為節。駒虞者樂官備也。狸首者樂會時也。采蘋者樂循法

也。采蘋者樂不失職也。是故天子以備官為節。諸侯以時會天

子為節。卿大夫以循法為節。士以不失職為節。故明乎其節之

志以不失其事則功成而德行立。德行立則無暴亂之禍矣。功

成則國安。故曰射者所以觀盛德也。

駒虞采蘋采蘋詩篇名。狸首逸詩。下曾孫侯氏之屬。

是也。樂官備義見鄉射樂會時。即詩所云小大莫處。御于君所

之義。循法不失職。皆謂卿大夫以下。供守職法以事宗廟也。此

節詳天子以下樂節之義以申之也。古者天子之制。諸侯歲獻貢士于天子。天子

試之于射宮。其容體比于禮。其節比于樂。而中多者得與于祭。

其容體不比于禮其節不比于樂而中少者不得與于祭數與

于祭而君有慶數不與于祭而君有讓數有慶而益地數有讓

而削地是以諸侯君臣盡志于射以習禮樂中與並去聲。自此至末言天子率

諸侯以射選士之義而諸侯之射禮固具其中矣慶其能與育賢才而讓其虧缺教化也夫君臣習禮樂而

以流亡者未之有也故詩曰曾孫侯氏四正具舉大夫君子凡

以庶士小大莫處御于君所以燕以射則燕則譽言君臣相與

盡志于射以習禮樂則安則譽也是以天子制之而諸侯務焉

此天子所以養諸侯而兵不用諸侯自為正之具也此特明經首之詩以

見諸侯大射之義也四正謂四行正爵也處安也御猶侍也言獻賓獻公獻卿獻大夫正爵四行然後侍君而射也愚按以燕

而以射夫乃即燕而即譽矣蓋不徒以與燕為樂而以成德為美也天子將祭必先習射于澤澤

者所以擇士也已射于澤而后射于射宮射中者得與于祭不

中者不得與于祭不得與于祭者有讓削以地得與于祭者有

慶益以地進爵紕地是也注曰澤宮名士謂諸國之君若臣及其所貢士也皆先令習射于澤已乃

射于射宮以課其中否也疏曰澤宮寬闊之地近水澤為之射宮即學宮也此則特明天子大射之義也

士大夫相燕射禮闕說見下諸侯相燕射禮

諸侯燕卿大夫射禮此即燕禮所謂若射則大射正為司射如鄉射之禮也但不射則止名為燕禮

耳以燕禮鄉射禮合推之可見

諸侯相燕射禮闕然此亦猶諸侯與卿大夫燕而射之禮也所異者諸侯與卿大夫燕而射不自為賓主

故命大夫為賓以膳宰主之而此則諸侯與諸侯自以賓主之禮行之耳士大夫相燕射之禮亦以此推之

王燕諸侯卿大夫射禮闕與諸侯燕卿大夫而射者畧同今記考工記于左